

四明叢書



張壽鏞輯

四明叢書

張宗祥



廣陵書社

12

圖書在版編目(CIP)數據

慈湖遺書. 2 / (宋)楊簡撰. —影印本. —揚州:廣陵書社, 2006. 8

(四明叢書; 12 / 張壽鏞輯)

本書與“絜齋毛詩經筵講義 / (宋)袁燮撰”等 8 篇合訂

ISBN 7-80694-142-8

I. 慈... II. 楊... III. ①地方叢書-寧波市②古籍-彙編-寧波市 IV. Z122.553

中國版本圖書館 CIP 數據核字 (2006) 第 100355 號

第十二冊目錄

《慈湖遺書》 《續集》二卷 《補編》一卷 新增《附錄》一卷 《年譜》二卷

《著述考》一卷 宋·楊簡撰 明·周廣輯 《補編》馮可鏞輯

《年譜》馮可鏞葉意深輯 新增《附錄》《著述考》張壽鏞輯 六八七三

《絜齋毛詩經筵講義》四卷 宋·袁燮撰 六九八五

《袁正獻公遺文鈔》二卷 《附錄》三卷 宋·袁燮撰 袁士杰輯 七〇二七

《鼠璞》二卷 宋·戴埴撰 七〇五九

《戴仲培先生詩文》一卷 宋·戴埴撰 七〇九九

《困學紀聞補注》二十卷 宋·王應麟撰 清·張嘉祿補注 七一〇七

《丁鶴年詩集》四卷 《附錄》一卷 元·丁鶴年撰 七一二七

《醫閭先生集》九卷 明·賀欽撰 七二一五

《白齋詩集》九卷 《竹里集》三卷 《文略》一卷 明·張琦撰 七三二一

慈湖先生遺書續集目錄

卷之一

炳講師求訓

恪請書

葉元吉請書

翁挺之請書

書表軸

樂平縣學講堂訓

書遺口文儀

慈湖遺書續集目錄

四明夢書
約圖刊本

書遺桂夢協

局中祭先聖

先師

鄒國公

辭廟文

秋祀禹廟

晉王右軍祠祝文

唐顏魯公祠祝文

邑人求春秋祀董孝君詞

縣學立大隱楊先生石臺杜先生祠文

諸廟

土地

祭中齋文

饒斌僊聖

祀社

后土句龍氏

稷

又

慈湖遺書續集目錄

四明夢書
約圖刊本

立春祭太皇句芒文

祭雷師

祭雨師

到任謁社稷

到任謁諸廟

誅詞

祈雨

謝雨

祈雨

諸廟祈雨

社稷

社

稷

諸廟祈雨

奉安聖水文

海神祠山文

祈雪疏文

封贈告家廟

蘇湖叢書

目錄

三

四明叢書

約圖刊本

受誥告廟

冬抵臨安給享文

焚黃祝文

上元設醮青詞

默醮青詞

禳火青詞

設醮青詞

祈雨青詞

又

施斛詞旨

永嘉季春祈雨碧玉醮青詞後雨作改用

奠余兵侍辭

會奠邑宰鄭令君辭

奠林景初辭

祭潘叔昌知縣文

祭高仲圖知丞文

祭伯兄文

祭愿禪師文

蘇湖叢書

目錄

四

四明叢書

約圖刊本

奠安康郡太夫人辭

奠鄉相慶國太夫人辭

奠馮氏妹辭

祖奠馮氏姊辭

祖奠姪婦舒氏

奠孫甥子方

奠曹叔達

楊公伯明封志

慈溪縣孫孝子墓誌銘

故孺人蔣氏墓誌銘

翰林醫痊臧公墓誌銘

陳夫人墓誌銘

王德高墓誌銘

卷之二

孔子閒居解

附錄

曾彥誠書一則

曾燾書四則

楊先生回翰

老先生復賜書答

慈湖遺書續集

五十四明叢書
約圖刊本

慈湖先生遺書續集卷之一

炳講師求訓

某之行年二十有八也居太學之循理齋時首秋入夜
齋僕以燈至某坐於牀思先大夫嘗有訓曰時復反觀
某方反觀忽覺空洞無內外無際畔三才萬物萬化萬
事幽明有無通爲一體略無縫罅噤意謂萬象森羅
一理貫通而已有象與理之分有一與萬之異及反觀
後所見元來某心體如此廣大天地有象有形有際畔
乃在某無際畔之中易曰範圍天地中庸曰發育萬物
灼然灼然始信人人心量皆如此廣大孔子曰心之精
神是謂聖即達摩謂從上諸佛惟以心傳心卽心是佛
除此心外更無別佛汝問我卽是汝心我答汝卽是我
心汝若無心如何解問我我若無心如何解答汝觀此
益驗卽日用平常之心惟起意爲不善用力急改過改
卽止切毋他求故子曰改而止此心至妙矣庸加損日
月星辰卽是我四時寒暑卽是我山川人物卽是我風
雨霜露卽是我羣飛魚躍無非我如人耳目口手足
之不同而實一人心如此神妙百姓自日用而不知

慈湖遺書續集

一十四明叢書
約圖刊本

炳講師作此表軸求書故書

格請書

吾鄉曰有數語曰吾兩日散日月之光四體動天地之
和步步欲風生雲起句句若龍吟鳳鳴其閒周還中規
折還中矩珠璣咳唾蘭蕙清芬此豈人力所能爲哉天
機妙運道體變通我猶不得而自知人又安得而詰我

葉元吉請書

皋陶曰兢兢業業孔子發憤忘食爲之不厭又曰造次
必於是顛沛必於是

續通叢書

一四明叢書
約圖刊本

翁挺之請書

孔子曰心之精神是謂聖人皆有是心心皆具此聖百
姓日用而不知耳而況於同邑君子翁彥陽有夷齊之
行非聖乎夫道一而已矣是者道非者非道百姓所
以不自知者自顧未能無過妄敢言聖子曰改而止
改過即止無庸他求某甚念人心皆與堯舜禹湯文武
周公孔子同而多不自信故因其曾孫挺之請書

書表軸

孔子自衛反魯息駕于河梁而觀焉懸水三十仞圓流

九十里魚鱉不能道鼃鼃不能居有一丈夫方將厲之

孔子使人並流止之曰此懸水三十仞圓流九十里魚

鼃鼃不能居也意者難濟也丈夫不以措意遂渡而

出孔子問之曰巧乎有道術乎所以能入而出者何也

丈夫對曰始吾之入也忠信及吾之出也亦忠信忠信

措吾軀於波流而吾不敢以用私所以能入而復出也

子曰二三子識之水猶可以忠信之身親之而況於人

乎某讀此不勝起敬而歎曰有如此切至之言先聖許

可而諸儒未有表而明之者甚矣夫道之不明也不惟

此章雖孔子主忠信之旨亦未聞有發而揮之忠信之
爲德也至矣乎忠信之心人皆有之忠信無他奇巧亦
無思慮道而行之此正孔子所謂天下何思何慮者其
曰主忠信言乎所謂主本者忠信而已忠信乃大道之
異名而人不悟也丈夫者得全乎忠信故出入乎波流
之中若神使微起計度慮慮即私矣即不實直矣忠信
之爲德也至矣乎禹履遺而不取冠卦而不顧淮南子
以爲禹之趨時然也陋哉淮南以己度聖不知其誣也
孟子曰禹行其所無事此語近之要之禹之心豈言意

續通叢書

一四明叢書
約圖刊本

之所能盡禹之心如四時之錯行如日月之代明

樂平縣學講堂訓

按學古字爲學字即今孝字一字而兩音同多蓋古所以學爲孝音又爲學音於以見古始造字意以謂學者孝而已矣自孝之外無他道也時有古今道無古今時有古今性無古今時有古今學無古今於孝之外復求學是有二道有二性也無乃不可乎夫孝天之經地之義民之行推而放諸東海而準推而放諸西海而準推而放諸南海而準推而放諸北海而準以孝事君則忠

慈湖遺書續集卷一

四四明叢書約圖刊本

以孝事長則順朋友不信非孝戰陳無勇非孝斷一木斬一獸不以其時非孝仁者仁此義者宜此禮者履此信者信此樂自順而生刑自反而作夫道一而已矣名雖不同學則無二德惟一動罔不吉德二三動罔不凶孝弟之至通於神明光于四海無所不通斯乃先聖一貫之道也

書遺口文儀

蒙養之功非有覺者莫知今文儀直諒明敏勇於義深有味乎如愚如蒙蒙養聖功之旨文儀殆已覺而未全

無疑可更書前後曲折以告某見病當剗

書遺桂夢協

夢協謂心之精神是謂聖此聖人之言何敢不信但學者所造有淺深某謂道無淺深先聖曰改而止謂改過即止無庸他求精神虛明安有過失意動過生要道在不動乎意爾

局中祭先聖

君臣之義不可廢也仕行其義固某等所當爲懼無學也不學而仕古人恥之某等學不逮古人然有先聖之訓在幼而讀之略知趨向矣習是勝非他日不敢負也敢以敬告

慈湖遺書續集卷一

五四四明叢書約圖刊本

先師

學之不可已也自少至老蓋不容一日廢不惟不容一日廢斯須不可廢也孔門好學先師一人求爲孔門弟子於千百載之下者舍先師吾將焉歸某等頌詩書久堅此志自今以往未至於道不敢止也雖曰不可以政學向也不學及政而始學則所未聞向也學爲政而不廢學可也敢告先師

鄒國公

惟公器大無近用壽在所直尺不可枉終身王道無有二說琢而小之萬鍾不受也千載之下此風可以立人某等雖不肖讀公之書有日矣敢不從公之後

辭廟文

欽惟心之精神是謂聖道發育萬物是謂聖道生天生地是謂聖道人有死生之殊道無死生之異世有古今之殊道無古今之異舊有告辭之章道無動靜離合遠近毋意毋我舉天下萬古神人之心皆若是

慈湖遺稿卷一

四明叢書
約圖刊本

秋祀禹廟

某不可思克報若時精一專欽惟聖帝道光萬世賴之秋有發章酌獻豆觴假守攸司恭敬是將神之格斯其尚饗斯

晉王右軍祠祝文

右軍偃武正論百世不磨字畫累我願爲懋德者所多後儒罕知治道往往以俎豆之事老生常談而翰墨瀟灑駿逸之態爭覩欣翫袂相屬肩相摩今茲鍼羣子之膏肓障千載之頽波右將軍本衷清明當知後世有四

明楊某者發其正情

唐顏魯公祠祝文

魯公臨大節而不可奪發諸心畫莊敏肅括此風可以立懦夫振叔未令祠而祝之孰不仰之敬之某灼知其必可以感動吾民之秉彝何日忘之

邑人求春秋祀董孝君詞

夫孝人心之所同天地之所同鬼神之所同徵君用此心於千載之上吾邑人敬而奉之於千載之下豈惟邑人敬而奉之一郡之人敬而奉之豈惟一郡之人敬而

慈湖遺稿卷一

四明叢書
約圖刊本

奉之際天所覆凡在人倫中者有所不知知則孰不敬而奉之嗚呼至矣是謂至德是謂要道是謂人心之所同惟爾有神惠相之俾某暨茲在位承保所自有之本心以對越明神以對越上帝

縣學立大隱楊先生石臺杜先生祠文

欽惟道心無古今無淺深堯舜此心禹湯文武此心周公孔子此心天下萬世同此心惟放逸失之祇敬不違先生有之故文正范公禮敬之今茲建祠先生清明何所不照知百世祀之

諸廟

敢以一獻之禮告至於某神惟神之神上與天通下與地通中與人通通一至神無有二道大道甚夷不容微置意於其間某雖有此心未能無過敢不兢兢孜孜以保養吾意必同我之初以敬事神

土地

俗曰土地古曰中雷州縣主社家主中雷某今家於此依神而居神無大小道通爲一上下通天地旁通萬物神道如此人亦如此某敢不敬脩其在人以敬事神

祭中醫文

維年月日敢敬告於中醫之神竊惟陰陽不測之謂神妙萬物之謂神視之不見聽之不聞洋洋如在在其上如在其左右之謂神天以是生地以是成人以是誠中醫以是靈洞觀此機幽明一心爰精爰祀孰知精寢尙饗饒娥僊聖

至孝格天龍震於淵天猶敬之宜世稱賢是廟是亭是崇是仰孝人所同同知所向某長斯邑首訪而知雖無舊文當啟新儀一獻爲禮神豈需此昭明孝道庸示百

慈湖遺書集卷一

八四明敬書約圖刊本

里

祀社

某敢用暈幣柔毛剛鬣嘉蔬清酌庶羞致祭於社神惟神無名惟神無方惟神無爲惟神無疆而化而生而順而行道無二順心無二神禮物攸敘齋明有融不可度思斯寂斯通

后土句龍氏

維茲仲春修祀事於邑社惟神作配載在國典功著水土平易九州厥德無疆體合匪侔以薦以奠匪虔匪邈是謂一神卽人而神

稷

惟神無名惟神無方惟神無爲惟神無疆而化而生百穀用成庶民用寧是典是興惟茲中虛之誠可以感通通爲無窮

又

維茲仲春恭修稷祀惟神作配功在稼穡粒我蒸民莫匪爾極頌曰斯文斯文在茲其辭恭其欲儉我其敬之立春祭太皇句芒文

慈湖遺書集卷一

九四明敬書約圖刊本

帝出乎震大化茲始邑有彝典令率其屬肅敬以迎有酌有獻至神感通匪幽匪邈匪異匪合弗可度思

祭雷師

某敢用量幣柔毛剛鬣嘉蔬清酌庶羞致祭於雷師之神神氣風霆無非至教隱隱絃絃不可攬取莫究厥始莫窮厥終是謂至神與天地同有動有靜有敬有恭感通於無窮

祭雨師

至哉一氣升而爲雲降而爲雨萬古注焉而不盈萬物

慈湖遺稿卷一

十四明敬書

約園刊本

資焉而化生是有至神不可度測不識不知聖曰帝則

到任謁社稷

准令首謁社稷視壇壝敢敬致釋菜之禮欽惟至神無體無思無爲而無所不通某敢不卽無所不通一以貫之道以有事於社稷

到任謁諸廟

恭惟至神無所不通某假守於茲祇見祠下敢不卽無所不通之道以有事於爾神

誄詞

禍災之來惟人自取民愚莫測良可憫傷大道洞然生天生地生人及物保合太和本無疵厲情偽滋動爲非爲僻爲淫爲邪於大道太和中起乖爭悖亂之氣薰蒸流注疫癘斯起今茲禱祈眾心一誠道復見可以對越上帝可以感通陰陽可以轉乖厲之氣爲太和可以變禍災爲福祥卽此一誠廣大貫通不可致詰有此神用不可不信

祈雨

東作方興民田盡稿膏雨雖至猶未通洽深念他時老

慈湖遺稿卷一

十四明敬書

約園刊本

穉轉死於溝壑某爲此邑之父母不勝痛切惟明神哀憐之

謝雨

大道非遠不離人心人心匪殊是謂天道本無睽閤矣假和同孰司雨暘之機妙在聲臭之表豈容報謝不可度思

祈雨

天人一致聖愚一性雨暘一機三才一氣本氣太和安覩乖厲民物紛紛意欲焚焚忿爭攘奪情偽萬狀爲霖

爲靈爲悖爲亂感動上下愆錯陰陽豈天之爲實人之咎是用齋禱起民敬心惟敬可以格天惟敬可以通聖惟敬可以致雨惟敬可以致一人具此敬不敬斯離敬斯復初不可度思矧可射思

諸廟祈雨

至神至寂曷往曷來舊章是稽載迎慈像願錫隨軒之澤終惠望霓之氓

東作方興民田就稿一誠共禱雲雨崇朝千里歡顏重雲劇斂既獲感通之漸曷稽膏霈之期咎在人心固非

慈湖遺書續集 卷一

士四明嚴書 約圖刊本

天意願憫此改過遷善浸浸獲養成就禮義生於給足惟大慈錫以沛然之澤

社稷

某以涼德受此民社而適愆陽靡神不宗蒙降霈澤惟神無名無方無爲無疆化生順行百穀用成茲舉嘗祀尙惟神之靈雨暘以時以迄於三登

社

某德未純明雨暘愆舛靡神不宗既蒙應矣而四邑久稿尙虧一簣冒昧於神惟神無方化生順行益霈其旁

厥後益時以迄於萬斯倉

稷

某以涼德被命受此惟稷有神司我下土斡旋生育無名無方無爲無疆某也有罪而適愆陽神其昭明膏澤應誠尙惟神之靈以往爲霖百穀用成

諸廟祈雨

某茲以愆陽爲災闔郡危懼眾禱虔虔應亦累累簷溜已鳴忽復告止農事甚急過此無及某德未純某知罪矣惟神敷惠千里之氓錫以三日之澤生死骨肉判於

慈湖遺書續集 卷一

士四明嚴書 約圖刊本

旦暮某不勝懇懇禱禱之至

奉安聖水文

某茲迎聖澤闔郡危懼伏惟神龍察此切誠憫此無告神氣風霆變化頃刻錫以滂然之霖某曷勝懇懇禱禱願願俟俟之至

海神祠山文

天人一致何所不通入違乎天始不一致腹臍生疾頭目作楚某德未純政事愆違故雨暘亦愆惟神與慈運神機霈膏澤惠我有秋使四邑赤子不失乳哺謹養本

有之善某不勝懇禱願後之至

祈雪疏文

敬以一奠之禮致祭於某神竊以時雪未應疫癘間作致禱舊章所不敢後欽惟此心無遠弗届至神感應上天同雲載零載積凝和敷霽某不勝純誠至敬辭不能喻

封贈告家廟

孝曾孫某謹奉牲禮清酌庶羞祇薦恭惟祖德流光自天錫慶啟考妣登秩斯崇某不勝慕仰敢不小心翼翼

慈湖遺書續集 卷一

十四 四明叢書 約圖刊本

思嗣前修垂裕於後

受誥告廟

介曾孫朝請郎行祕書郎某昨進上旨除前職今茲拜誥命又考功增秩皆前世積善流光某敢不兢兢在時無忝所自尚饗

冬抵臨安給享文

某進德未純未能算過叨蒙新命備數學宮茲尊某之所自致實惟上世之遺訓未泯某敢不敬之承之禮曰大夫士有省於其君則於給及其高祖支子不祭祭必

告於宗子某既告於小宗謹以嘉疏清酌庶羞用薦禋

焚黃祝文

孝子某敢告考君贈朝散郎妣君贈安人既告於廟更題神主茲燭告黃謹以嘉疏清酌庶羞祇薦葦几欽惟先德肇本天貺答之滋至未已某敢不兢兢恪修率迪丕訓庶無墜遺緒

上元設醮青詞

敬以惟皇上帝無思無爲無所不在無所不照知有感斯應不可度思帝降衷于民民皆有無思無爲無所不

慈湖遺書續集 卷一

十五 四明叢書 約圖刊本

照知之常性惟日用不自知私欲繁興禍災隨之某雖微覺未精未一謬當郡寄政理關失回祿之禍災由人興匪天降之災咸自取之臣不敢不勉惟帝興慈憫斯宥斯民在塗炭如切臣之肌惟帝興慈憫斯宥斯

默醮青詞

欽聞上帝無聲無象無動無靜無所不照知未嘗往未嘗來有感斯應無所不通流俗謂上帝自天而下設緝爲黃道謂帝行其上至卑至陋不足以事上帝聞有默醮之法虛明廣大上帝憫民秉彝惟昏故比攷過滋多

加祐啟祥災息禍渾融太和不可射度

禳火青詞

臣欽惟上天不可以言而格惟善可以格溫民改過遷善者寔多臣德未純不敢荒怠惟上帝憫斯護斯保養而扶持之俾毋罹其災拂亂其所為帝心融明有感斯應禱斯叩斯不可度斯

設醮青詞

郡郭淳災比屋懷懼民愚積愆匪天劇殃臣德未純無能昭假敬從輿議恭修醮禳大道渾融三才共貫有感斯應保合太和神之格思不可度思

祈雨青詞

虛明博大三才變化其中雨暘愆違千里危懼以請臣則有罪德未純明民雖無知性本靜止生死骨肉之機判於今日啜菽飲水之命懸於上穹錫以三日之霖解此四邑之急發道中之妙用若有機緘運物表之神功不動毫髮

又

愆陽為災民則有罪民愚罔覺宜宥以寬臣覺雖微亦

慈湖遺集 卷一

十六 四明叢書 約園刊本

粗安止曷未精一有愧純明臣不可赦尚蒙帝恩眾禱

同虔累應敷潤未被沛然之澤不勝旦暮之憂千里嗷嗷一誠懇懇恭修碧玉太乙醮禮初禱輒應終日通洽甲乙丙夜如注如傾生死骨肉之恩感深至骨虛明變化之妙不可度思更祈三日已往之霖卒濟百穀時播之稼

施斛詞旨

敬以大道無形匪動匪靜萬古常寂無所不通惟彼迷途立我我所欲興欲滋遂遂戀依沈魂滯魄昏昏莫知自囚自縛自苦自樂逐逐逐臭百趣千垢法食普供道味靜深即味匪味曰深匪深湛然澄淵清明本心無思無為不識不知

永嘉季春祈雨碧玉醮青詞後雨作改用

三才一致人自愆違久旱眾憂茲焉賈禱累蒙應矣未至霧然仰碧玉之垂慈憫蒼生之無告赦臣知罪之故取民遷善之新啟醮初筵日庚申而奏請夫澤終夕夜甲乙而如傾四邑懼呼拜生死骨肉之大賜九天變化妙雲行施雨之神功更祈三日已往之霖卒濟百穀時

慈湖遺集 卷一

十七 四明叢書 約園刊本

播之務臣無任至感至禱激切屏營之至

莫余兵侍辭

具位楊某敬奉奠於故修史給事侍郎余公靈筵某復趨承之日雖無幾而獲趨承之義無一事職凡百有請有議溫乎其容怡然精粹問答坦夷正直平易尚未得侍容莫識其涯涘瞻顏聽辭昨近爾胡爲亟報曰致其事厥明就車心軫疑貳式遣問審大星果墜縞巾素裘哭於門內衣衾屏願既於地退而請曰庶幾平口之制口口固辭有志弗遂遂歸而載惟出辭寫意爲奠

慈湖叢書卷一

十八四明叢書
約園刊本

爲禮幽光如對哭而薦之願願饗是

會吳呂率鄭令君辭

具位某謹奉奠於故令君於平早曼垂雨雷動風行而雲徂矣月明哉生已光照吾邑而旋促西馭之車矣嬰兒待哺哺及肩隅而奪其母矣隻言單語微施略爲已傳誦百里士民謂有父母我者至矣於乎天平天德好生好生之德卽降還斂而去之殊非天意遽額相告不知所謂王德孚尹介石不貳英萃外發發允消氣曾未滌龜民已蒙惠如何不淑天星忽墜良善無依凶

狡無忌解旌鑒銘邑人殄瘁某等奉奠痛心殞涕

莫林景初辭

具位某使子某敬奉厄酒於故景初林公尊兄親至情深合并況頻啟胸吐心忱辭罄陳中庸之至不殺之仁篤實不字踐之以身天胡困之千苦百辛家徒四壁甚於憲員重以不淑遽焉訃聞望哭於室老莫亟奔使恪奉櫬哀衷阻申新卜湖濱山旋氣奄就封戒期胡敢憚勤已整竹輿啟行凌晨雨不少輟冷氣覺侵盥手以湯悲楚若針甚已不久感冒懼深緘辭以哭如對靈明

慈湖叢書卷一

十九四明叢書
約園刊本

祭潘叔昌知縣文

某追惟向同學舍相過相與篤志實德務決疑阻厥後離羣不記何日聚會某官浙右君猶處學僅一再見自是隔閭泯泯到任於乎念哉叔昌既登科宦遊益南北知某去國遠關靜處同一通問啟讀報帖如對芝眉紫字不謂未幾而忽聞訃南望痛哭道里修阻衰病屆約欲往而住再拜緘莫爲諸栗主於平哀哉與叔昌訣矣於乎哀哉

祭高仲圓知丞文

同里友楊某望哭再拜以上一奠之禮於故友仲圓高子知丞彝前州里之賢有如仲圓萬口稱善忠信正直德意繾綣相去四十里不得時見別去易久茲得行甫書忽以訃聞於平哀哉善類淪沒正道寡無哭以遺奠哀哉於乎

祭伯兄文

介弟具位某謹以清酌奠羞祇薦於伯兄八七府君惟兄易簀今既周星禮雖有制而中心愛敬日日新又日新兄靈清明雖千變萬化不可度思寂然如水之清豈惟某心永欽百世之下凡心光內明者孰不興敬知嘉定之有人祝辭有盡愛敬終無盡尙饗

祭愿禪師文

具位楊某敬致一奠於圓寂毒果宗人愿禪師接辭累累惘見底蘊妙蘊非蘊斯蘊無盡相與切磋無如若何浮雲忽斷碧空無畔斗城老人送奠於遠

奠安康郡太夫人辭

具位楊某謹率與於故安康郡太夫人祖筵曰於乎哀哉道無不明人自不明天地之道爲物不二人天地心

慈湖遺書續集 卷一

二十四明叢書 約園刊本

慈湖遺書續集 卷一

二十四明叢書 約園刊本

三才一致自學子裂坤道於乾元之外置天地於人心之外而先聖之道始不明於天下雖古烈婦賢母載在簡策人所知敬而道終未明於平哀哉夫人淑德懿行某夙昔而不得備知而尋在州里又尋知於尙書因尙書而獲修登堂再拜之敬望見掄擢之光退而得諸親知夫人博觀古書中秉正德居既富且貴人所不敢仰望之地而至朴至儉服有人所不堪之衣某聞不勝起敬起慕曰夫人之賢行如此又尙書嘗道其燕侍之言確乎不動於勢利清哉偉哉今又獲尙書所狀行實啟讀熟復益視其所未知母儀坤德某灼知其爲天地不貳之道往往望畫橫目未必咸知就知之不能無疑而某確信之斷斷乎無疑胡不致諸易乎日用而不知夫惟不自知是以人雖有道亦莫之知有莫在筵有銘在旌商祝讀辭道由是明尙饗

奠鄉相慶國太夫人辭

敬致奠於近故慶國太夫人靈筵其辭曰道以一貫無所不通其在朝廷其義如此其禮如此其在宗族其義如此其禮如此其在州里其義如此其禮如此一也某